

第二課 打電話約人

李超打電話畀陳潔，約佢去 K 普飛。

Lei⁵ Ciu¹ daa² din⁶ waa² bei² Can⁴ Git³, joek³ keoi⁵ heoi³ kei¹ pou³ fei¹。

李超： 請問陳潔係唔係度呀？

Ceng² man⁶ Can⁴ Git³ hai² m⁴ hai² dou⁶ aa³ ?

陳潔： 我係，邊位呀？

Ngo⁵ hai⁶, bin¹ wai² aa³ ?

李超： 我係李超，你記唔記得我呀？前日喺校巴士站你問我點去本部嗰個人呢？

Ngo⁵ hai⁶ Lei⁵ Ciu¹, nei⁵ gei³ m⁴ gei³ dak¹ ngo⁵ aa³ ? Cin⁴ jat⁶ hai² haau⁶ baa¹ zaam⁶ nei⁵ man⁶ ngo⁵ dim² heoi³ Bun² Bou⁶ go² go³ jan⁴ ne¹ ?

陳潔： 你係我喺中大第一個識嘅朋友，我梗係記得啦。咩事呀？

Nei⁵ hai⁶ ngo⁵ hai² Zung¹ Daai⁶ dai⁶ jat¹ go³ sik¹ ge³ pang⁴ jau⁵, ngo⁵ gang² hai⁶ gei³ dak¹ laa¹。 Me¹ si⁶ aa³ ?

李超： 聽日星期六，我同朋友去 K 普飛，你去唔去呀？

Ting¹ jat⁶ sing¹ kei⁴ luk⁶, ngo⁵ tung⁴ pang⁴ jau⁵ heoi³ kei¹ pou³ fei¹, nei⁵ heoi³ m⁴ heoi³ aa³ ?

陳潔： 你諗住去邊度呀？

Nei⁵ nam² zyu⁶ heoi³ bin¹ dou⁶ aa³ ?

李超： 去旺角。

Heoi³ Wong⁶ Gok³。

陳潔： 去旺角 K 普飛會唔會好貴 㗎？

Heoi³ Wong⁶ Gok³ kei¹ pou³ fei¹ wui⁵ m⁴ wui⁵ hou² gwai³ gaa³ ?

李超： 差唔多百二蚊啦。

Caa¹ m⁴ do¹ baak³ ji⁶ man¹ laa¹。

陳潔： 我諗吓先啦。

Ngo⁵ nam² haa⁵ sin¹ laa¹。

李超： 好好玩 㗎，去啦！

Hou² hou² waan² gaa³ , heoi³ laa¹ !

陳潔： 幾點去呀？

Gei² dim² heoi³ aa³ ?

李超： 七點半。

Cat¹ dim² bun³ 。

陳潔： 我哋係邊度等呀？

Ngo⁵ dei⁶ hai² bin¹ dou⁶ dang² aa³ ?

李超： 旺角地鐵站恒生銀行前便。

Wong⁶ Gok³ dei⁶ tit³ zaam⁶ Hang⁴ Sang¹ ngan⁴ hong⁴ cin⁴ bin⁶ 。

陳潔： 仲有邊個會去呀？

Zung⁶ jau⁵ bin¹ go³ wui⁵ heoi³ aa³ ?

李超： 我好朋友周偉文。

Ngo⁵ hou² pang⁴ jau⁵ Zau¹ Wai⁵ Man⁴ 。

陳潔： 我同房都好鍾意唱 K，可唔可以叫埋佢呀？

Ngo⁵ tung⁴ fong² dou¹ hou² zung¹ ji³ coeng³ kei¹ , ho² m⁴ ho² ji⁵ giu³ maai⁴ keoi⁵ aa³ ?

李超： 梗係得啦。

Gang² hai⁶ dak¹ laa¹ 。

陳潔： 噉，聽晚七點半旺地恒等啦。

Gam² , ting¹ maan⁵ cat¹ dim² bun³ Wong⁶ Dei⁶ Hang⁴ dang² laa¹ 。

李超： 聽晚食自助餐，聽日晏晝唔好食 tea 喇喎。

Ting¹ maan¹ sik⁶ zi⁶ zo⁶ caan¹ , ting¹ jat⁶ aan³ zau³ m⁴ hou² sik⁶ ti¹ laa³ wo³ 。

陳潔： 梗係啦，我諗住連 lunch 都唔食添呀。

Gang² hai⁶ laa¹ , ngo⁵ nam² zyu⁶ lin⁴ lunch dou¹ m⁴ sik⁶ tim¹ aa³ 。